



2019KO DEIALDIA, 2. ERANSKINA, IKASTETXEEI DIRU-LAGUNTZAK EMATEKO, ESKOLA KIROLAREN KUDEAKETARAKO ETA ARRETARAKO EGITURA ESPEZIFIKOAK SORTZEKO ETA GARATZEKO, NORGEHIAGOAKO ERREGIMENEAN.

1. OINARRI ARAUTZAILEAK

Eranskin honi aplikatuko zaizkio Tolosako ikastetxeek Eskola Kirolaren kudeaketarako eta arretarako egitura espezifikokoak sortzeko eta garatzeko diru-laguntzak eskuratzeko ordenantza arautzaileak (2.eranskina) egindako aldaketak. Aldaketa hauek, behin betiko onarpenaren zain, 2018ko abenduaren 27an Udal Batzarrak egindako Osoko Bilkuran onartutakoak dira. Era berean, aplikatuko zaizkio 2017ko apirilaren 25an Udalbatzarrak onartu eta Gipuzkoako Aldizkari ofizialean 2017ko uztailaren 7an argitaratutako diru laguntzen Udal Ordenantza Orokorra.

2.- ONURADUNAK

Aipatutako oinarrietan arautzen diren diru-laguntzak eskatu ahal izango dituzte baldintza hauek betetzen dituzten ikastetxeek, edo ikastetxeekin lotura duten nortasun juridikoko elkarteek:

- Tolosako udalerrian egon behar du ikastetxeak.
- Gipuzkoako Foru Aldundiaren eta Tolosako Udalaren irizpideekin bat datorren eskola kiroleko egitaraua diseinatu izan, non bermatuko diren neskek eta mutilek tratu eta aukera-berdintasuna izango dutela.

3.- ESKAERAK ETA DOKUMENTAZIOA AURKEZTEKO EPEAK

2019. urtean, diru-laguntza horien eskaera egiteko (inprimakia) eta harekin joan behar duen dokumentazioa aurkezteko lehen eguna izango da deialdia Gipuzkoako Aldizkari Ofizialean argitaratu eta hurrengo eguna, eta argitaratu denetik hogeigun naturalak pasata itxiko da epea.

Memoria eta kontu zurigarria, berriz, deialdiaren urteko **uztailaren 30 bitarte** aurkeztu ahal izango dira.

Ezinbestekoa da eskaera (inprimaki formala) eta dokumentazio osagarriak Tolosako Udalaren erregistroan aurkeztea, erregistro telematikobidez. Nolanahi ere, eskaerak aurkezteko prozedurari 2015/39 Administrazio Prozedura Arautzen duen Legearen 16.4 artikulua xedatzen duena aplikatuko zaio.

Diru-laguntza eskaera inprimakiarekin batera beharrezkoak izango dira:

- Zergen ordainketetan eta Gizarte Segurantzaren gunean dagoela ziurtatzen duten agiriak, edo kontsulta hori egiteko baimena ematen duen inprimakia beteta (**Baimen klausula** inprimakia).
- Diru-laguntzak eskatzeko **Zinpeko Aitorpena** inprimakia.

4. KONTU ZURIKETA

Diru-laguntza jaso aurretik kontu zuriketa aurkeztu beharko da, oinarri espezifikoetan (2. eranskinean) xedatutako dokumentuak azalduz, alegia:

- Memori zurigarria (A2 inprimakia), behar bezala beteta.
- Egitura bakoitzak bere ikastetxean egiten duen ikasturteko kirol eskaintza
- Kontu zurigarria (gastu eta sarreraren balantzea eta fakturen zerrenda)
- Fakturak

Eginiko eskaeretan edo haiekin batera aurkeztutako eranskinetan akatsen bat badago, interesatuei eskatuko zaie 10 eguneko epean aurkitutako akatsak konpon ditzatela.

Dokumentazio hori, epe barruan, aurkeztu ezean, diru-laguntza jasotzeko aukera galduko du eskatzaileak. Era berean, datuak ezkutatuz gero, edo datu faltsuak emanez gero, diru-laguntzak jasotzeko aukera galduko du, eta hainbat kasutan, baita ondorengo diru-laguntzak jasotzeko ere.

Eskaeran agertzen diren datuak ez badira behar bezala egiaztatzen, ez dituzte aintzat hartuko eskaera baloratzerakoan.

5.-DIRU LAGUNTZEN BANAKETARAKO IRIZPIDEAK



TOLOSAKO
UDALA

Diru-laguntzen zenbatekoa zehazteko irizpideak oinarri espezifiko hauetan (2. eranskina) xedatutakoak dira.

6.-BALORAZIO BATZORDEA

Eskaeren balorazioa kiroletako zuzendaritzaren lan izango da; dagokion txostena egingo du, diru laguntzen banaketaren proposamena eginez. Diru laguntza emateko proposamena organo eskudunaren esku jarriko da, hark onar dezan

7.- LAGUNTZAREN GUTXIENEO ZENBATEKOA

Baldintza guztiak betetzen dituzten ikastetxeei, kasu guztietan, gutxienez, 1.500 €-ko diru-laguntza emango zaie. Hortik kanpo dagokion laguntza erantsiko zaie, kontuan izanik balorazioko irizpideak eta Udalaren aurrekontuetan diru-laguntza lerro honetarako urtero onartzen den laguntza osoa.

8.-DIRU-LAGUNTZAREN ORDAINKETA

Emandako diru-laguntza ikasturtea amaitzen denean ordainduko da, onuradunak justifikazioko dokumentazioa aurkeztu ondoren (A2 inprimakia) eta osagarriak, berriz, deialdiaren urteko uztailearen 30erako.

Kirol departamentuak alde aurretik proposatuta eta dagokion organoaren erabakiz, aurrerakin bat eman ahal izango du diru-laguntza osoaren kontura. Nolanahi ere, aurreko urtean jasotako laguntzaren %50 baino handiagoa ez da izango. Interesa duen entitateak espresuki eskatuko du aurrerakina diru-laguntza eskaera formalizatzeko momentuan.

9.- FINANTZIAZIOA ETA AURREKONTUA

Baimendutako gastua 30.000 eurokoa da, aurrekontuko 1000.481.01.34100 kontu-sailaren kargura.

Baremoa aplikatu baino lehen, banatu beharreko kopurutik 3.000 euro gehienez, gordeko dira eta proportzionaltasuna irizpidearen balorazioa egingo da, ezarritako baldintzak betetzen dituzten erakundeen artean. Soberako diru-kopurua banatu beharreko kopurura itzuliko da.

10. JAKINARAZTEA

2015eko urriaren 1eko 39/2015 Legeak, Administrazio Publikoen Administrazio-prozedura Erkidearenak, bere 45.1.b) artikuluan ezarritakoaren arabera, deialdiaren ebazpen Gipuzkoako Aldizkari Ofizialean argitaratuko da. Argitalpen horrek banakako jakinarazpena ordeztuko du, eta jakinarazpena egintzat joko da eta lege ondorioak izango ditu ebazpena argitaratu eta biharamunetik.

11.-EBAZPENAREN EPEA

Prozedua ebazteko epea memoriak eta kontu zurigarriak aurkeztu denetik sei hilabetetara izango da.

12.- BALDINTZAK EZ BETETZEA

Ondoren aipatzen diren egoeretako bat gertatuz gero, eskatzaileak jasotako diru-kopurua itzuli beharko du eta laguntza ordaindu den unetik sortutako interesa ere ordaindu beharko du:

- a) Deialdi honetan ezarri diren epeak betetzen ez baditu.
- b) Diru-laguntza ematerakoan arrazoi gisa hartu zen helburua betetzen ez badu.
- c) Oinarri arautzaileak (2.eranskina) ezartzen dituen betebeharretako bat betetzen ez badu.

13.- DIRU LAGUNTZEN ARAUDI ERREGULATZAILEA



TOLOSAKO
UDALA

Deialdi hau agiri honetako oinarriek zuzenduko dute, eta hemen aurreikusten ez dena azaroaren 17ko 38/2003 Diru-Laguntzen Lege Orokorrak.

ESKAERA EREDUA

Eskaera orria, memoria eta kontu zurigarriaren inprimakiak lotura honetan eskura daitezke: www.tolosa.eus (udala atalean/tramiteak)